

PËRMBLEDHJE E AKTIVITETEVE TË KRYETARIT

Korrik

2019



REPUBLIKA E KOSOVËS
REPUBLIKA KOSOVA

KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. i prot. 2417 Më 05.08 2019
Br. prot. 2417 Dt. 05.08 2019

RAHOVEC - ORAHOVAC

Në këtë dokument janë të pasqyruara me
fotografi aktivitetet e Kryetarit të Komunës së
Rahovecit dhe drejtorive, gjatë muajit korrik
2019.



Komuna e Rahovecit

Zyra e Kryetarit



HYRJE

Qëllimi i këtij dokumenti është që të pasqyrohen të gjitha aktivitetet e Kryetarit të komunës së Rahovecit dhe drejtorëve të drejtorive komunale gjatë muajit korrik në mënyrë që të pasqyrohet një qeverisje dhe një komunë që është e hapur, transparente dhe llogaridhënese për qytetarët dhe grupet e interesit.

KRYETARI I KOMUNËS

Që nga marrja e përgjegjësisë për të drejtuar Komunën e Rahovecit Kryetari i komunës dhe bashkëpunëtorët e tij janë duke punuar me ritëm të shtuar dhe orar të zgjatur për ta rregulluar edhe më tepër infrastrukturën dhe për ti avancuar shërbimet ndaj qytetarëve.

Qeverisja e mirë nënkupton shërbim ndaj qytetarëve. Komuna e Rahovecit është e përkushtuar që këtë shërbim ta kryej në mënyrën më të mirë të mundshme.

Kryetari Smajl Latifi është zotuar se do t'i qojë deri në fund premtimet e tij për ta ndryshuar jetën e qytetarëve të komunës së Rahovecit.

Tashmë kemi arritur të krijojmë një klimë të mirë me qytetarët dhe faktorët tjerë lidhur me zhvillimet e përgjithshme në Komunën tonë dhe kemi raporte të mira me Qeverinë, donatorë dhe mekanizma tjerë ndërkombëtar që veprojnë në Kosovë.

Gjatë muajit korrik janë realizuar një mori aktivitetesh, punë dhe angazhime në komunën e Rahovecit.

Kemi kënaqësinë të paraqesim para jush dokumentin lidhur me aktivitetet, punët dhe angazhimet e komunës së Rahovecit gjatë muajit korrik – 2019.

Aktivitetet e Kryetarit dhe drejtorive gjatë muajit korrik- 2019



Me rastin e Ditës së Eksportit të Prodhimeve Bujqësore Kryetari i komunës së Rahovecit ishte pjesëmarrës në Qendrën për Pemë dhe Perime "Agrocelina" në Xërxë, qendër të cilën komuna e ka mbështetur vazhdimisht

Sektori i bujqësisë, si sektor kyç i zhvillimit të Rahovecit do të ketë përkrahje të vazhdueshme nga komuna e Rahovecit.



Me qëllim që bashkëatdhetarët tanë të priten sa më mirë gjatë pushimeve të tyre, Kryetari i komunës ka marrë dy vendime të cilat kanë për qëllim lehtësimin e qëndrimit të tyre në Kosovë. Vendimi i parë ka të bëjë me zgjatjen e orarit të punës për zyrtarët e gjendjes civile, zyres së pranimit dhe zyres së tatimit në pronë, të cilët nga 15 korriku do të punojnë deri në ora 18:00 gjatë ditëve të javës dhe nga ora 09:00 deri në orën 12:00 të shtunën, kurse, me vendimin e dytë, punëtorët e komunës obligohen që të lirojnë hapësirat për parking në oborrin e komunës, për mërgimtarët.

Kryetari z.Smajl Latifi ka mbajtur debatin e parë publik me qytetarët në ambientet e Kuvendit Komunal të Rahovecit, ku është prezantuar puna e kryer për 6-mujorin e parë të vitit 2019. Përveç kësaj, janë prezantuar planet dhe projektet tona për pjesën e mbetur të vitit 2019, e më pas është diskutuar me bashkëqytetarët. Takime me qytetarë rrisin efikasitetin, transparencën dhe llogaridhënien tonë si qeverisje, në mënyrë që bashkë, të kontribuojmë për të mirën e Rahovecit.



Kryetari Latifi priti në takim ministren e Bujqësisë, Dijana Zhivic, me të cilën u diskutua për bujqësinë në Rahovec, si sektori kyç për komunën tonë. Ministria u informua për ecurinë e punëve në Rahovec, fazat e aplikimit për grante dhe subvencione e poashtu i'u dorëzuan disa kërkesa që konsiderohen të rëndësishme për bujqit, konkretisht: Rritjen e subvencioneve, përkrahjen për rregullimin e rrugëve fushore si dhe rregullimin e kanaleve të kullimit.



Vazhdojmë me ndërtimin e fushave sportive, të cilat aq shumë ju kanë munguar të rinjve tanë.

Në Lagjen e Epërme, në qytet, nisi puna për një fushë tjetër sportive në komunën tonë. Derisa në Dejnë po vazhdojmë punimet, së shpejti do të ndërtojmë edhe dy fusha të tjera sportive, në Kramovik dhe Opterushë.

Për nder të 21-vjetorit të Epopesë së Rahovecit bashkë me OVL-në, bashkëluftëtarë, familjarë të dëshmorëve, janë mbajtur aktivitete të shumta në nderim të të rënëve për lirinë që e gëzojmë sot.



Kryetari i komunës së Rahovecit ka nënshkruar marrëveshje financimi për Komunën e Rahovecit me z. Fatmir Matoshi, Ministër i Ministrisë së Mjedisit dhe Planifikimit Hapësinor. Sipas kësaj marrëveshjeje, do të financohet projekti i rregullimit të shtratit të lumit nga Hoça e Madhe, Brestoc, Hoçë e Vogël, Nagac e deri në Krushë të Madhe.



Është mbajtur "Rahovec Tour", një organizim i bukur nga të rinjtë e Rahovecit, të cilët pas shëtitjes me biçikleta nëpër natyrën e bukur të Rahovecit, u ndalën për një aktivitet - ndriçimin e veçantë të qiellit të Rahovecit. Ky aktivitet, ku kishte pjesëmarrës nga e gjithë Kosova, dëshmon se Rahoveci ka rini kreative dhe natyrë të bukur e përshtatshme për ngjarje të tilla që promovojnë komunën tonë.



Fotografi të realizuara rastin e 21-vjetorit të rënies dhe shpalosjes së Shtatores të Shejh Myhedin Shehu, në prej figurave që la emër në historinë më të re të lirisë dhe pavarësisë së Republikës së Kosovës.



Homazh te *MAJA E SHKODRANIT*
(21- vjetori i kujtimit të sakrificës së dëshmorëve)



Ne vazhdimisht po përkrahim fermerët dhe së fundmi kemi hapur edhe thirrje për subvencione për mekanizëm bujqësor, ku janë përfshirë të gjithë sektorët e bujqësisë.



Kryetari Latifi ka takuar punëtorët e administratës së Komunës së Rahovecit, takimet e tilla, të rregullta, janë praktikuar gjithmonë, për t'u siguruar se punët në komunë po ecin mirë dhe se qytetarët tanë arrijnë t'i kryejnë punët e tyre pa vështirësi.



I shoqëruar nga nënkryetari Fatmir Iska dhe drejtori i DSHMS-së Samir Mustafa, kryetari Latifi ka takuar punëtorët shëndetësor në hapësirat e QKMF-së në Rahovec. Praktika të tilla të komunikimit të drejtpërdrejtë me punëtorët e QKMF-së, na ndihmojnë në krijimin e stabilitetit në rrjetin e shërbimit shëndetësor parësor të komunës së Rahovecit, në ofrimin e shërbimeve sa më cilësore për qytetarët tanë.



Në fshatin Xërxe përuruar ndriçimin publik, fshat ky që tashmë ka ndriçim në shumicën e vendbanimit.

Mbi 7km rrugë janë të ndriçuara vetëm në Xërxë. Ne do të vazhdojmë me projekte të ngjashme në gjithë komunën e Rahovecit.



Bujqësia është një prej sektorëve më të rëndësishëm të ekonomisë në Rahovec. Komuna e Rahovecit është e interesuar që këtë sektor, i cili Rahovecin e bënë edhe më të zhvilluar, edhe më të bukur, ta mbështesë edhe më shumë. Këtë vit, komuna jonë ndau 1 milion euro vetëm për bujqësi, ndërsa vitin e ardhshëm ky buxhet do të rritet.


Ka përfunduar fushata e korrije-shirjes së grurit në komunën e Rahovecit. Sipas raporteve të para, bëjnë të ditur se rendimentet e grurit janë rreth 4200 kilogram për një hektar. Korrja e 1/ha gruri me autokombanjë ka kushtuar 90-110 €.



IADK ka mbajtur trajnime me fermerët e komunës së Rahovecit të cilët kanë përfituar mekanizëm bujqësor në kuadër të projektit "Ngritja e kapaciteteve profesionale të rinjve në sektorin e Bujqësisë" Ky grant është i financuar nga Luksemburgu dhe i implementuar nga IADK-ja.



Përfituesit kanë përfituar mekanizëm për sektorë të ndryshëm të bujqësisë.



Kryetari Smajl Latifi ka inspektuar nga afër korjet-shirjet që janë zhvilluar në komunën tonë, duke pasur parasysh se kultura e grurit është një kulturë strategjike për vendin tonë, Kryetari Smajl Latifi ka uruar fermerët, për punën dhe përkushtimin e tyre për rendimentin e fituar i cili për këtë vit pothuajse është rekord.



Drejtoria e Bujqësisë në Rahovec në bashkëpunim me IADK-në, kanë mbajtur sesion informues me fermerët e komunës sonë në lidhje me kultivimin e bimëve mjekësore aromatike. Në këtë takim po ashtu ka marrë pjesë edhe drejtori i DBPZHR-së Berat Duraku i cili ka inkurajuar të gjithë fermerët pjesëmarrës që të fillojnë të kultivojnë këto bimë, pasi që janë fitimprurëse dhe kanë treg të siguar për shitje.

Janë inspektuar punimet e kanalit kullues në fshatin Celinë, i cili është në përfundim të procesit të punës, ky kanal kullues ka përfshirë të gjitha zonat të cilat ishin të rrezikuara nga vërshimet e mundshme në këtë lokalitet.





Janë duke vazhduar punimet në projektin “Kanali i kullimit të tokave bujqësore në Xërxe”. Punimet janë duke u zhvilluar në krahun 2, segmenti Xërxe-Fortesë dhe pas hapjes së kanalit do të fillojë edhe betonimi.



Blegtoria dhe Perimtaria mbeten një nga sektorët më të rëndësishëm të ekonomisë bujqësore, duke u bazuar në kërkesat e fermerëve, drejtoria e Bujqësisë përmes granteve investive këtë vit do ti mbështes ata me 12 lloje të ndryshme të mekanizmeve bujqësor. Përmes këtij granti komunal të gjithë fermerët të cilët kanë aplikuar për këto mekanizma, do të kenë mundësi të jenë përfitues. Kjo është pothuajse hera e parë që komuna e Rahovecit do ti mbështes fermerët me mekanizëm bujqësor.

Ka filluar inspektimi i gjendjes së serrave për fermerët të cilët kanë përfituar nga komuna e Rahovecit. Komisioni i cili është formuar me vendim të Kryetarit Smajl Latifi për verifikimin e serrave, kanë mbaruar vizitat tek çdo fermer i cili është përfitues i këtyre ambienteve të mbrojtura. Nga inspektimi fizik i këtij projekti, gjendja ishte mjaft e mirë si dhe çdo ambient i mbrojtur pothuajse ishte i mbjellur me kultura të ndryshme perimore.



Vazhdon rregullimi i rrugëve fushore-vreshtare.

Ministria e Bujqësisë është duke investuar në rregullimin e infrastrukturës bujqësore në territorin e komunës së Rahovecit.



Është bërë pastrimi i oborrit në ish objektin e vjetër të Shkollës së Mesme, i cili gjendet përballë Stacionit të Policisë në Rahovec. Kjo hapësirë e lirë do të shërbejë për parkim të veturave. Të vetëdijshëm se bashkatdhetarët tanë kanë filluar të vijnë në Kosovë si dhe duke e parë nevojën për parkingje të reja, shpresojmë se atyre do t'iu mundësohet të kenë më shumë hapësirë për parkimin e automjeteve.



Infrastruktura rrugore

Zoqisht.



Mirëmbajtja e varrezave të Dëshmorëve, tek vendi i quajtur "Hamoc".
Mirëmbajtja e varrezave civile të qytetit në Rahovec.



Sanimi i gropave në Opterushë.





Sanimi i rrugës me elemente betoni në rrugën "Agim Qelaj" në Rahovec.

Ndërtimi i trotuarëve në pjesën brenda fshatit Sopniq.



Jemi afër përfundimit të segmentit rrugor në fshatin Zoqisht. Zgjidhja më e mirë e këtij segmenti rrugor është heqja e shtyllave të vjetra të elektrifikimit (tensionit të lartë), që ka qenë pengesë kryesore e ndërtimit të kësaj rruge.



Kanë filluar punimet në rrugën "Vëllezërit Frashëri", në një teren të vështirë të kalueshëm.

Vazhdon edhe në disa segmente tjera në Rahovec, projekti i ndërtimit të rrugëve lokale.



Pastrimi i deponisë mbi fshatin Zoqisht.





Vazhdon mirëmbajtja e rregullt e deponisë legale të mbeturinave inerte (Demolimit)!

Mirëmbajtja, rrafshimi dhe kujdesi i rregullt i deponisë.



Ka filluar fasadimi dhe ngjyrosja e mureve të jashtme të objekteve shkollore të shkollës "Rudolf Walther" në Dejnë dhe paraleles së ndarë në Dobidol.



Ka filluar furnizimi me lëndë djegëse (dru) për ngrohje gjatë dimrit, për të gjitha shkollat e komunës sonë!
Drejtoria Komunale për Arsim ka marrë të gjitha masat që ky furnizim të bëhet pa asnjë vonesë dhe në një afat rekord në të gjitha shkollat.



Kanë filluar dhe po vazhdojnë punimet në realizimin e projektit "Drenazhimi dhe Hidroizolimi i objekteve shkollore" në Shkollën e Mesme të Lartë "12 Maji" në Ratkoc.

Bodrumet e këtij objekti shkollor nuk do të përmythen më nga uji.



Projekti i fituar nga Ministria e Zhvillimit Ekonomik për zbatimin e masave të efijencës së energjisë në shkollën "Vëllezërit Frashëri" në Drenoc tashmë është në fazën e prokurimit, masat e efijencës së energjisë që do të zbatohen në këtë objekt të shkollës janë: Ngrohja qendrore, fasadimi dhe termoizolimi, ndërrimi i dyerve dhe dritareve, renovimi i kulmit, ndërrimi i ndriçimit elektrik.



Në kuadër të aktiviteteve për "Ditët e Mërgatës", Drejtoria Komunale për Arsim në bashkëpunim me Zyrën për Ndërlidhje me Mërgatën të komunës sonë organizuan një orë letrare me titull "Malli Poetik për Vendlindjen" në fshatin Dejnë.



Në kuadër të realizimit të projektit të bashkëpunimit me Bankën Botërore, shkolla fillore "Vëllezërit Frashëri" në Drenoc u furnizua me mjete didaktike dhe konkretizimi! Me anë të këtyre pajisjeve, nxënësit do ta kenë më të lehtë të përvetësojnë njohuritë që marrin nga mësuesit e tyre!



Janë duke vazhduar punimet në rregullimin e shtratit të lumit ndërmjet Krushës së Madhe dhe Celinës, pas vendosjes së kolektorëve për ujërat e zeza në të dy anët e lumit, tani punët kanë filluar në ndërtimin e shtratit. Përmes këtij projekti, investim i komunës së Rahovecit, synohet që problemi i vërshimeve në këto dy fshatra të ketë zgjidhje të përhershme si në tokat bujqësore po ashtu edhe në vendbanime.



Fusha sportive në Rahovec, po përfundohet me intensitet të madh të punimeve, ku brenda disa jave janë përfunduar disa punë më të rëndësishme në kuadër të këtij projekti.



Ne bashkëpunim me Shoqatën "SHAM- AK Prizreni", ka filluar zbatimi i projektit "Engjujt e trafikut". Qëllimi kryesor i projektit "Engjujt e trafikut" është ngritja e kulturës dhe sigurisë në komunikacion.

Pas aftësimit të nivelit të duhur, nxënësit do të jenë të gatshëm të përgatisin raporte statistikore publike nga komunikacioni rrugor, të cilat mund të shërbejnë si fakte për organe kompetente për siguri në komunikacion.



Kufizimi i parcelës me nr. 2680-1 në periferi të qytetit në Rahovec ku ka filluar të ndërtohet fusha sportive.



Punimet për restaurimin e krojeve janë duke u zhvilluar në bazë të planit dinamik.

Janë duke vazhduar punimet në Nushpal, Zoqisht, dhe në Lagjen e Epërme.





Biblioteka në Krushë të Madhe ka pësuar rritje në fondin librar përgjatë këtij viti.

Rreth 236 ekzemplarë me libra i janë ndarë Bibliotekës në Krushë të Madhe gjatë kësaj periudhe kohore.



Janë organizuar aktivitete sportive në Palestrën "Mizahir Isma" mes komunës së Rahovecit, dhe komunitetit jo shumicë. Ky aktivitet është inicuar nga OSBE gjatë hartimit të Planit të punës së KKS-së, dhe është përkrahur nga kryetari i komunës z. Smajl Latifi, DKRS-së dhe anëtarë të KKS-së. Është prioritet i yni, të mbrojmë identitetin etnik, kulturor, gjuhësor e fetar të pakicave kombëtare.



Në kuadër të aktiviteteve për ditët e mërgatës është mbajtur koncert festiv për mërgimtarë "Anës Drinit me Mërgatën".



Ka përfunduar turniri në futboll të vogël i organizuar në Krushë të Madhe për nder të mërgimtarëve tanë, në kuadër të aktiviteteve për ditët e mërgatës.

PËRFUNDIM

Një Qeveri lokale efektive dhe demokratike është absolutisht thelbësore për një komunë stabile dhe prosperuese, pra, qeverisja e mirë duhet të respektojë këto parime:

- Transparenca që nënkupton lirinë e qasjes në dokumentacionin administrativ, lirinë e informacionit, garancinë e një drejtësie administrative si dhe motivimin e vendimeve të marra.
- Përgjegjshmëria që nënkupton përgjegjësinë e vendimmarrësve, kontrollet mbi administratën, administrimin e parave publike, etj.
- Pjesëmarrja që nënkupton dhënien e mundësive të të gjithë akterëve të marrin pjesë në procesin e zhvillimit.

Përmes këtij dokumenti ne jemi munduar të pasqyrojmë këto tri parime që janë thelbësore për një qeverisje transparente, të përgjegjshme dhe çdo herë afër qytetarëve të komunës së Rahovecit.

Vazhdojmë me punë...

Ky dokument u dërgohet:

- Kryetarit të Komunës
- Zyrës për Informim dhe Marrëdhënie me Publikun
- Drejtorëve të drejtorive
- Arkivit

Me respekt !

Zyra e kryetarit

Komuna e Rahovecit/Opština Orahovac/Municipality of Rahovec

Adresa : Rr. 8 Dëshmorët e Pashtrikut p.n., 21000, Rahovec –Kosovës Tel : 0382004534 Email : komuna.rahovec@rks-gov.net